

ქ. თბილისი

14.06.2018 წელი

ერთი მხრივ,
საქართველოს რეგიონული განვითარებისა და ინფრასტრუქტურის სამინისტროს გამგებლობაში არსებული
სახელმწიფო საქვეუწყებო დაწესებულება - საქართველოს საავტომობილო გზების დეპარტამენტი, წარმოდგენილი
მისი თავმჯდომარის მოადგილის ალექსანდრე თევდორაძის სახით
მის.: საქართველო, თბილისი, ალ. ყაზბეგის გამზირი №12,
საიდენტიფიკაციო კოდი 211 343 982
საბანკო რეკვიზიტები: სახელმწიფო ხაზინა,
ბანკის კოდი: TRESGE22,
ანგარიშის ნომერი GE 24 NB 0330 1002 0016 5022
(შემდგომში - შემსყიდველი)

და მეორე მხრივ,
შპს „ენერჯო გადაწყვეტილებები“,
წარმოდგენილი მისი დირექტორის ზაირა ტალახაძის სახით,
საიდენტიფიკაციო კოდი: 405106237
მისამართი: საქართველო, თბილისი, შ. ნუცუბიძის მე-3 მკრ. მე-4 კვ. 3 კორპ. ბინა 76
მომსახურე ბანკი: სს „საქართველოს ბანკი“
ბანკის კოდი: BAGAGE22
ანგარიშის ნომერი: GE94BG0000000587053400
(შემდგომში - მიმწოდებელი)

შემდგომში თითოეული ცალ-ცალკე წოდებული, როგორც „მხარე“, ხოლო ერთობლივად წოდებულნი, როგორც
„მხარეები“,

„სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „დ“ ქვეპუნქტის, „ქუთაისის
შემოვლითი გზის სამტრედიის მონაკვეთზე „საქართველოს საგზაო უსაფრთხოების ეროვნული სტრატეგიის
დამტკიცების თაობაზე“ საქართველოს მთავრობის 2016 წლის 11 ივლისის №1389 განკარგულებით დამტკიცებული
საქართველოს საგზაო უსაფრთხოების ეროვნული სტრატეგიისა და საქართველოს შინაგან საქმეთა სამინისტროს
პროექტის - „უსაფრთხო ქალაქი, უსაფრთხო რეგიონი, უსაფრთხო ქვეყანა“ ფარგლებში განსახორციელებელი
ზოგიერთი ღონისძიების შესახებ“ საქართველოს მთავრობის 2017 წლის 4 მაისის N884 განკარგულების და
„საქართველოს რეგიონული განვითარებისა და ინფრასტრუქტურის სამინისტროს გამგებლობაში არსებული
სახელმწიფო საქვეუწყებო დაწესებულების - საქართველოს საავტომობილო გზების დეპარტამენტის მიერ
სახელმწიფო შესყიდვების გამარტივებული შესყიდვის საშუალებით განხორციელების შესახებ“ 2018 წლის 10 მაისის
N1009 განკარგულების, „სსიპ „სახელმწიფო შესყიდვების სააგენტოს“ თავმჯდომარის 2018 წლის 21 თებერვლის N564
განკარგულების ძალადაკარგულად გამოცხადებისა და საქართველოს რეგიონული განვითარებისა და
ინფრასტრუქტურის სამინისტროს საქართველოს საავტომობილო გზების დეპარტამენტისთვის სახელმწიფო
შესყიდვის გამარტივებული შესყიდვით განხორციელების შესახებ თანხმობის გაცემის თაობაზე“ სსიპ - სახელმწიფო
შესყიდვების სააგენტოს თავმჯდომარის 2018 წლის 18 აპრილის N1081 განკარგულებისა (SMP180000920) და
შემსყიდველის სტრუქტურული ქვედანაყოფების - საავტომობილო გზების საინჟინრო-ტექნიკური სამსახურის და
საგზაო მოძრაობის რეგულირების სამსახურის 2018 წლის 15 მაისის N4504-2 მოხსენებითი ბარათის საფუძველზე,
ვდებთ წინამდებარე ხელშეკრულებას (შემდგომში - ხელშეკრულება) შემდეგზე:

მუხლი 1. შესყიდვის ობიექტი

1. ხელშეკრულებით გათვალისწინებულ შესყიდვის ობიექტს წარმოადგენს ელექტროენერჯის ქსელის გაყვანის
სამუშაოებზე ზედამხედველობის მომსახურება, რაც მოიცავს ქ. სამტრედიის ახალი შემოვლითი საავტომობილო
გზის კმ 0+000-კმ 24+045 ვიდეო-სამეთვალყურეო (საკონტროლო) სისტემის ელექტრო მომარაგების (მკვებავი
საკაბელო ქსელი) მოწყობის სამუშაოებზე და ქ. ქუთაისის ახალი შემოვლითი საავტომობილო გზის კმ 0+000-კმ
17+300 ვიდეო-სამეთვალყურეო (საკონტროლო) სისტემის ელექტრო მომარაგების (მკვებავი საკაბელო ქსელი)
მოწყობის სამუშაოებზე (შემსყიდველსა და შპს „ელსაიდს“ შორის 2018 წლის 14 ივნისს გაფორმებული ს და ს N81-18
ხელშეკრულება) საზედამხედველო მომსახურებას (შემდგომში - მომსახურება).

2. მომსახურების აღწერილობა განისაზღვრება ხელშეკრულების პირობებისა და მისი დანართების (ტექნიკური დავალება, გასაწევი მომსახურების ხარჯთაღრიცხვა) შესაბამისად, რომლებიც წარმოადგენენ ხელშეკრულების განუყოფელ ნაწილს.

3. CPV კოდი: 71520000 - მომსახურებები მშენებლობის ზედამხედველობის სფეროში.

მუხლი 2. ხელშეკრულების ღირებულება

ხელშეკრულების ღირებულება მოცემულია მომსახურების გაწევასთან დაკავშირებული მიმწოდებლის ყველა სახის ხარჯისა და საქართველოს კანონმდებლობით გათვალისწინებული გადასახადების ჩათვლით. ხელშეკრულების ღირებულება შეადგენს არაუმეტეს: 3 927.45 (სამი ათას ცხრაას ოცდაშვიდი ლარი და ორმოცდახუთი თეთრი) ლარს.

მუხლი 3. მომსახურების გაწევის ვადა და ადგილი

1. მიმწოდებელი ვალდებულია, ხელშეკრულებით გათვალისწინებული მომსახურების გაწევა უზრუნველყოს ხელშეკრულების გაფორმებიდან 40 (ორმოცი) კალენდარული დღის განმავლობაში.

2. მიმწოდებელი ვალდებულია, ხელშეკრულებით გათვალისწინებული მომსახურების გაწევა უზრუნველყოს ტექნიკური დავალებით (ხელშეკრულების დანართი N1) განსაზღვრული პირობების შესაბამისად.

3. მომსახურების გაწევა მოხდება ამ ხელშეკრულების პირველი მუხლის პირველი პუნქტში მითითებულ ადგილზე.

მუხლი 4. მომსახურების მიღება-ჩაბარების წესი

1. მომსახურება მიღებულად ჩაითვლება მხარეთა შორის მიღება-ჩაბარების აქტის გაფორმების შემდგომ. გაწეულ მომსახურებას მიმწოდებელი აბარებს შემსყიდველს, ამ ხელშეკრულებით განსაზღვრული წესით.

2. იმ შემთხვევაში, თუ გაწეული მომსახურების შუალედური კონტროლის შედეგები უარყოფითია, შემსყიდველს შეუძლია უარი განაცხადოს შესყიდვის ობიექტის ან მისი ნაწილის მიღებაზე და ანაზღაურებაზე.

3. მიღება-ჩაბარების აქტი გაფორმდება ფაქტობრივად გაწეული მომსახურების მიხედვით. ფაქტობრივად გაწეული მომსახურების ღირებულება იანგარიშება საზედამხედველოდ გადაცემულ ობიექტზე ფაქტობრივად შესრულებული სამუშაოების ღირებულების 3%-ით, არაუმეტეს ხელშეკრულების ღირებულების ოდენობით.

4. გაწეული მომსახურების მიღება-ჩაბარებას შემსყიდველის მხრიდან განახორციელებს შემსყიდველის სტრუქტურული ქვედანაყოფის - საგზაო მოძრაობის რეგულირების სამსახური.

5. გაწეული მომსახურების მიღების და საბოლოო შემოწმების ადგილია შემსყიდველის ადგილსამყოფელი ან/და საზედამხედველო საავტომობილო გზის მონაკვეთი. შემსყიდველი ამოწმებს მიმწოდებლის მიერ გაწეული მომსახურების მოცულობას და ხარისხს.

მუხლი 5. ანგარიშსწორების წესი

1. ხელშეკრულების ფარგლებში ანგარიშსწორება იწარმოება უნაღდო ანგარიშსწორების ფორმით, საქართველოს ეროვნულ ვალუტაში, ხელშეკრულებით გათვალისწინებულ რეკვიზიტებზე.

2. ანგარიშსწორებისათვის მიმწოდებელი წარუდგენს შემსყიდველს გაწეული საზედამხედველო მომსახურების მიღება-ჩაბარების ორმხრივ აქტს (წარმოდგენილი უნდა იყოს შესაბამისი დამატებითი ღირებულების გადასახადის ანგარიშ-ფაქტურა), რის საფუძველზეც შემსყიდველი აუნაზღაურებს მიმწოდებელს გაწეული მომსახურების ღირებულებას მიღება-ჩაბარების აქტისა და დამატებითი ღირებულების გადასახადის ანგარიშ-ფაქტურის დადასტურებიდან 10 (ათი) სამუშაო დღის განმავლობაში.

3. იმ შემთხვევაში, თუ განსაზღვრული გარემოებების გამო, მიმწოდებლის მიერ გაწეული მომსახურების ღირებულებამ არ შეადგინა ამ ხელშეკრულებით გათვალისწინებული თანხა, შემსყიდველი აუნაზღაურებს მიმწოდებელს მის მიერ ფაქტობრივად გაწეული მომსახურების ღირებულებას ამ ხელშეკრულებით განსაზღვრული ფასების (პროცენტების) შესაბამისად. აღნიშნულიდან გამომდინარე მიმწოდებელს პრეტენზია არ უნდა გააჩნდეს აუთვისებელ მომსახურების მოცულობათა შესრულებაზე და მის გადახდაზე.

მუხლი 6. წინასწარი ანგარიშსწორების პირობები

1. მიმწოდებელი უფლებამოსილია, შემსყიდველს წარუდგინოს წერილობითი თხოვნა წინასწარი ანგარიშსწორების თანხის (შემდგომში - ავანსი) გადახდის თაობაზე.

2. მიმწოდებელი არ არის უფლებამოსილი, შემსყიდველს წარუდგინოს წერილობითი თხოვნა ავანსის გადახდის თაობაზე, თუ იგი რეგისტრირებულია მოვალეთა რეესტრში, მის მიმართ რეგისტრირებულია საგადასახადო გირავნობა ან/და ყადაღა. მიმწოდებელი ვალდებულია, შემსყიდველს წარუდგინოს შესაბამისი

დოკუმენტები, რომლითაც დასტურდება მის მიმართ ამ პუნქტში განსაზღვრული ვალდებულებების რეგისტრაციის არარსებობა.

3. მიმწოდებლის მიერ ამ მუხლის პირველი პუნქტით გათვალისწინებული წერილობითი მოთხოვნის მიუხედავად, შემსყიდველი უფლებამოსილია, არ დააკმაყოფილოს მიმწოდებლის თხოვნა ავანსის გადახდის თაობაზე იმ შემთხვევაში, თუ მიმწოდებელს შესრულებული აქვს ხელშეკრულების ღირებულების 20% ან მეტი.

4. შემსყიდველის მიერ ავანსის გადახდასთან დაკავშირებით დადებითი გადაწყვეტილების მიღების შემთხვევაში, მიმწოდებელი ვალდებულია, შემსყიდველს წარუდგინოს საქართველოს კანონმდებლობის შესაბამისად ლიცენზირებული საბანკო დაწესებულების მიერ გაცემული, ავანსის იდენტური ოდენობის საბანკო გარანტია, რომელიც ძალაში უნდა იყოს გადასახდელი ავანსის დაქვითვამდე.

5. ამ მუხლის მე-4 პუნქტში განსაზღვრული ავანსის იდენტური ოდენობის საბანკო გარანტია თავისი შინაარსით უნდა იყოს უპირობო და შემსყიდველს უნდა აძლევდეს უფლებას, ავანსის იდენტური ოდენობის საბანკო გარანტიის გამცემი დაწესებულებისგან პირველივე მოთხოვნისთანავე, შემსყიდველის მხრიდან ყოველგვარი დასაბუთებისა და დოკუმენტაციის წარდგენის გარეშე, მიიღოს შესაბამისი თანხა.

6. იმ შემთხვევაში, თუ მიმწოდებელი რეგისტრირებულია თეთრ სიაში (შესყიდველში მონაწილე კვალიფიციურ მიმწოდებელთა რეესტრი), მიმწოდებელი შემსყიდველს წარუდგენს საქართველოს კანონმდებლობის შესაბამისად ლიცენზირებული საბანკო დაწესებულების მიერ გაცემულ ავანსის ნახევარი ოდენობის საბანკო გარანტიას, რომელიც ძალაში უნდა იყოს გადასახდელი ავანსის დაქვითვამდე და აკმაყოფილებდეს ამ მუხლის მე-5 პუნქტით გათვალისწინებულ მოთხოვნებს.

7. მიმწოდებლისთვის გადასახდელი ავანსი ჯამში არ უნდა აღემატებოდეს ხელშეკრულების ღირებულების 20%-ს.

8. შემსყიდველის მიერ გადახდილი ავანსის დაკავება მოხდება ქვემოთ მოყვანილი წესის თანახმად:

$$A*(X\% - Y\%)$$

$$Z = \frac{\quad}{70 - 20}$$

Z = არის გამოსაქვითი თანხა საანგარიშო პერიოდში;

A = წარმოადგენს გადარიცხული ავანსის თანხას;

X = წარმოადგენს საანგარიშო პერიოდისთვის გაწეული მომსახურების შეფარდებას საწყის საკონტრაქტო ღირებულებასთან, გამოხატულს პროცენტებში. ეს მონაცემი არ აღემატება 70%-ს.

Y = არის (X) წინა პერიოდისათვის.

9. გადახდილი ავანსის დაკავება განხორციელდება მას შემდეგ, როცა გაწეული მომსახურების მოცულობა მიაღწევს 20%-ს, ხოლო გადახდილი ავანსის სრულად დაქვითვა განხორციელდება, როცა გაწეული მომსახურების მოცულობა შეადგენს 70%-ს.

10. გადახდილი ავანსის დაქვითვა ასევე შესაძლოა განხორციელდეს წინსწრებით.

11. მიმწოდებელი ვალდებულია, ავანსი გამოიყენოს მხოლოდ ხელშეკრულებასთან დაკავშირებული ვალდებულებების შესასრულებლად.

12. შემსყიდველი უფლებამოსილია, ამოქმედოს ამ მუხლის მე-4 ან მე-6 პუნქტით განსაზღვრული საბანკო გარანტია, თუ მიმწოდებელი ვერ უზრუნველყოფს ამ მუხლის მე-4 ან მე-6 პუნქტის მოთხოვნის შესაბამისად, საბანკო გარანტიის ვადის გაგრძელებას ან/და ხელშეკრულების შეწყვეტის შემთხვევაში, თუ შეწყვეტის მომენტისათვის მიმწოდებელს არა აქვს დაქვითული გადახდილი ავანსი ან მისი ნაწილი.

13. ავანსის გადახდა მოხდება უნაღდო ანგარიშსწორების ფორმით მიმწოდებლის მიერ ამ მუხლის მე-4 ან მე-6 პუნქტით გათვალისწინებული საბანკო გარანტიის შემსყიდველისთვის წარდგენის შემდეგ.

მუხლი 7. მომსახურების შესაბამისობა

1. ხელშეკრულების პირველი მუხლით გათვალისწინებული მომსახურება უნდა შეესაბამებოდეს საქართველოში მოქმედ ნორმებსა და წესებს, მსგავსი მომსახურებისათვის უკვე დადგენილ სტანდარტებს, ტექნიკურ სპეციფიკაციებს, აგრეთვე, ხელშეკრულებითა და მასზე თანდართული ტექნიკური დავალებით გათვალისწინებულ პირობებს, რომელიც თან ერთვის ხელშეკრულებას და წარმოადგენს მის განუყოფელ ნაწილს.

2. ამ მუხლის პირველ პუნქტში აღნიშნული პირობებიდან ნებისმიერი გადახვევის შემთხვევაში შემსყიდველი უფლებამოსილია, არ მიიღოს მომსახურება ან/და მიმწოდებლის მიმართ გამოიყენოს ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

მუხლი 8. მხარეთა უფლება-მოვალეობანი

1. მიმწოდებელი ვალდებულია:

- ა) მომსახურების გაწევის პროცესში იხელმძღვანელოს ხელშეკრულების მე-7 მუხლის პირველ პუნქტში გათვალისწინებული წესებითა და პირობებით;
- ბ) ხელშეკრულებით გათვალისწინებული მომსახურება განხორციელოს ჯეროვნად, ხელშეკრულების პირობების, ტექნიკური დავალების შესაბამისად;
- გ) უზრუნველყოს მომსახურების გაწევა ხელშეკრულების მე-3 მუხლში განსაზღვრული ვადების შესაბამისად;
- ე) მიმწოდებელი ვალდებულია, შემსყიდველის მოთხოვნის შესაბამისად, წარუდგინოს მას ინფორმაცია გასაწევი ან/და გაწეული მომსახურების შესახებ;
- ვ) უზრუნველყოს მის ზედამხედველობას დაქვემდებარებულ ობიექტზე სამუშაოების განხორციელების პროცესის სათანადო ხელშეკრულებით (შემსყიდველსა და შპს „ელსაიდს“ შორის 2018 წლის 14 ივნისს გაფორმებული ს და ს N81-18 ხელშეკრულება) დადგენილ პირობებთან შესაბამისი კონტროლი, შეუსაბამობის შემთხვევაში კი დაუყოვნებლივ უზრუნველყოს შემსყიდველისათვის შესაბამისი ინფორმაციისა და წინადადებების მიწოდება ჩასატარებელი ღონისძიებების შესახებ.
- ზ) საჭიროების შემთხვევაში, საპროექტო დოკუმენტაციით გათვალისწინებული სამუშაოების განხორციელების პროცესში, დამატებითი ანაზღაურების გარეშე, გაუწიოს კონსულტაცია შემსყიდველს სამუშაოების განხორციელების დროს წარმოქმნილი დამატებითი სამუშაოების ან/და საპროექტო ცვლილების განხორციელების მიზანშეწონილობის შესახებ;
- თ) ანგარიშსწორებისას საანგარიშსწორებო დოკუმენტაციაში მიუთითოს ფაქტიურად გაწეული მომსახურების მთლიანი ღირებულება;
- ი) შემსყიდველს დაუყოვნებლივ აცნობოს მისი მოსალოდნელი რეორგანიზაციის ან ლიკვიდაციის შესახებ, აგრეთვე, სხვა გარემოებათა შესახებ, რომლებმაც შესაძლებელია, ხელი შეუშალოს მის მიერ ხელშეკრულებით ნაკისრ ვალდებულებათა შესრულებას;
- კ) წარუდგინოს პრეტენზიები მშენებელს ხელშეკრულების პირობების შეუსრულებლობისათვის ან/და სამუშაოების უხარისხოდ შესრულებისათვის; საჭირო შემთხვევაში შეაჩეროს შესაბამისი სამუშაოები და შემდგომი რეაგირებისათვის სათანადო ინფორმაცია (ხელშეკრულებების პირობებისა და მოთხოვნების დარღვევის დასაბუთებული აღწერით) მიაწოდოს შემსყიდველს.
- ლ) შეასრულოს საქართველოს კანონმდებლობით გათვალისწინებული სხვა ვალდებულებები.

2. შემსყიდველი ვალდებულია,

- ა) აწარმოოს ინსპექტირება საამისოდ შერჩეულ პირთან ერთად მომსახურების გაწევის მიმდინარეობაზე, თანახმად ხელშეკრულების პირობებისა და ტექნიკური დავალებისა, რომელთა დარღვევის შემთხვევაში იგი უფლებამოსილია, შეაჩეროს სამუშაოები;
 - ბ) შეუფერხებლად აუნაზღაუროს მიმწოდებელს გაწეული მომსახურების ღირებულება ამ ხელშეკრულებით გათვალისწინებული ვადების შესაბამისად.
3. შემსყიდველი და მიმწოდებელი ერთობლივად განიხილავენ მომსახურების გაწევის მიმდინარეობის საკითხებს და საჭიროების შემთხვევაში შეაქვთ მასში სათანადო ცვლილებები.
4. ხელშეკრულების დამდებ არც ერთ მხარეს არა აქვს უფლება, შეიტანოს ამ ხელშეკრულებით გათვალისწინებული მომსახურების გაწევის ვადებში ცვლილებები მეორე მხარესთან შეთანხმების გარეშე. ვადებში ცვლილებები დასაშვებია მხოლოდ მხარეთა შეთანხმების საფუძველზე.

მუხლი 9. ფორს-მაჟორი

1. მხარეები თავისუფლდებიან ხელშეკრულებით გათვალისწინებული ვალდებულებ(ებ)ის შეუსრულებლობით ან/და არაჯეროვნად შესრულებით გამოწვეული პასუხისმგებლობისაგან, თუ ვალდებულებ(ებ)ის შეუსრულებლობა ან/და არაჯეროვანი შესრულება გამოწვეულია დაუძლეველი ძალის (სტიქიური უბედურება, ეპიდემია, ომი, კარანტინი, საქონლის მიწოდებაზე ემბარგოს დაწესება, საბიუჯეტო ასიგნებების მკვეთრი შემცირება, საზოგადოებრივი არეულობა, ცვლილებები კანონმდებლობაში და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა. დაუძლეველი ძალით გამოწვეული მოვლენები ეწოდება მოვლენებს, რომელთა წარმოშობასა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).

2. მხარე, რომელსაც ხელშეკრულებით გათვალისწინებული ვალდებულებ(ებ)ის შეუსრულებლობის ან/და არაჯეროვნად შესრულების მიზეზად დაუძლეველი ძალის მოვლენები მოჰყავს, ვალდებულია, დაუყოვნებლივ,

მაგრამ ფორს-მაჟორის მოვლენის დადგომიდან არაუგვიანეს 5 (ხუთი) სამუშაო დღისა, წერილობით აცნობოს მეორე მხარეს წერილობით ასეთი მოვლენების დადგომის და მისი სავარაუდო აღმოფხვრის ვადის თაობაზე. ამასთან, მეორე მხარის მოთხოვნის შემთხვევაში, უნდა წარადგინოს დაუძლეველი ძალის მოვლენების არსებობის დამადასტურებელი დოკუმენტი და დაასაბუთოს, რომ ამ მოვლენამ არსებითად ხელი შეუშალა მხარეს ხელშეკრულებით გათვალისწინებული ვალდებულებ(ებ)ის შესრულებაში.

მუხლი 10. პასუხისმგებლობა

1. ხელშეკრულებით გათვალისწინებული ვალდებულებ(ებ)ის შეუსრულებლობის ან არაჯეროვნად შესრულებისათვის დამრღვევი მხარე ვალდებულია, მეორე მხარის მოთხოვნისთანავე გადაუხადოს მას პირგასამტეხლოს სახით ხელშეკრულების ღირებულების 3%, მაგრამ ასეთი მოთხოვნის მიღებიდან არაუგვიანეს 5 (ხუთი) სამუშაო დღეში და უზრუნველყოს დარღვეული ვალდებულების დაუყოვნებლივ გამოსწორება, გარდა ამ მუხლის მეორე პუნქტით განსაზღვრული შემთხვევისა.
2. იმ შემთხვევაში, თუ ხელშეკრულებით გათვალისწინებული ვალდებულებ(ებ)ის დარღვევის გამო მიმწოდებლისთვის დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 5%-ს, შემსყიდველს უფლება აქვს, ცალმხრივად შეწყვიტოს ხელშეკრულება.
3. ამ მუხლის პირველი პუნქტის საფუძველზე მიმწოდებლისთვის დაკისრებული პირგასამტეხლოს დადგენილ ვადაში გადაუხდელობის შემთხვევაში, შემსყიდველი უფლებამოსილია, მიმწოდებელს გაწეული მომსახურების ღირებულებიდან დაუკავოს თანხა დაკისრებული პირგასამტეხლოს ოდენობით და მოახდინოს ურთიერთმოთხოვნათა გაქვითვა საქართველოს კანონმდებლობის შესაბამისად.
4. მიმწოდებლის მიერ ხელშეკრულებით გათვალისწინებული ვალდებულებ(ებ)ის შეუსრულებლობით ან არაჯეროვნად შესრულებით მესამე პირისათვის მიყენებული ნებისმიერი სახის ზიანის ანაზღაურების ვალდებულება ეკისრება მიმწოდებელს.
5. მიმწოდებლის მიერ ჩადენილი საქართველოს ადმინისტრაციულ სამართალდარღვევათა კოდექსით გათვალისწინებული სამართალდარღვევისათვის, შემსყიდველისათვის დაკისრებული ადმინისტრაციული სახდელისათვის პასუხისმგებლობა ეკისრება მიმწოდებელს.

მუხლი 11. ხელშეკრულების შეწყვეტა

1. ხელშეკრულების ერთ-ერთი მხარის მიერ ხელშეკრულებით განსაზღვრული ვალდებულებ(ებ)ის შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია, მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.
2. ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს ხელშეკრულებით განსაზღვრული სხვა ვალდებულებების შესრულებისაგან.
3. ხელშეკრულების შეწყვეტა ურთიერთშეთანხმების საფუძველზე ხორციელდება მხარეთა შორის დანართის გაფორმების გზით.
4. მხარეთა შეუთანხმებლობის შემთხვევაში ხელშეკრულების თითოეულ მხარეს უფლება აქვს, ცალმხრივად, წერილობითი ფორმით შეწყვიტოს ხელშეკრულება.
5. შემსყიდველი უფლებამოსილია, ვადამდე, ცალმხრივად შეწყვიტოს ხელშეკრულება, თუ:
 - ა) მიმწოდებელი არღვევს (არ ასრულებს ან არაჯეროვნად ასრულებს) ხელშეკრულებით განსაზღვრულ ვალდებულებას/ვალდებულებებს;
 - ბ) მიმწოდებლის მიმართ მიმდინარეობს გაკოტრების ან/და გადახდისუუნარობის საქმის წარმოება (მიუხედავად მისი დაწყების დროისა);
 - გ) მიმწოდებლის ქონებას დაედო ყადაღა, თუ ეს გარემოება ზეგავლენას ახდენს ან შესაძლებელია, ზეგავლენა მოახდინოს ხელშეკრულებით გათვალისწინებული ვალდებულებ(ებ)ის შესრულებაზე;
 - დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია, ზეგავლენა მოახდინოს ხელშეკრულებით გათვალისწინებული ვალდებულებ(ებ)ის შესრულებაზე;
 - ე) მიმწოდებლის მიმართ დაკისრებული პირგასამტეხლოს ოდენობამ გადააჭარბა ხელშეკრულების ღირებულების 5%-ს;
 - ვ) ხელშეკრულების გაფორმების შემდეგ შემსყიდველისთვის ცნობილი გახდა, რომ მიმწოდებელმა ხელშეკრულების დადების მიზნით ჩაიდინა არაკეთილსინდისიერი ქმედება;
 - ზ) საქართველოს კანონმდებლობით გათვალისწინებულ სხვა შემთხვევაში.

მუხლი 12. ქვეკონტრაქტორები და მიმწოდებლის პერსონალი

1. დაუშვებელია მიმწოდებლის მიერ ხელშეკრულების ფარგლებში გასაწევი მომსახურების ქვეკონტრაქტორისათვის სრულად გადაცემა.
2. ხელშეკრულებით განსაზღვრული მომსახურების ქვეკონტრაქტორზე გადაცემით მიმწოდებელი არ თავისუფლდება ხელშეკრულებით ნაკისრი ვალდებულებ(ებ)ისგან და აღნიშნული მომსახურების გაწევაზე შემყიდველთან პასუხისმგებელია მიმწოდებელი.
3. მიმწოდებელი ვალდებულია მომსახურების გაწევა უზრუნველყოს სათანადო რაოდენობისა და კვალიფიკაციის პერსონალით.

მუხლი 13. შეტყობინებები

1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, უნდა გაიგზავნოს წერილის, დეკემის, ოფიციალური ელექტრონული ფოსტის (შემსყიდველის შემთხვევაში - info@georoad.ge) ან ფაქსის სახით, ორიგინალის შემდგომი წარდგენით, ხელშეკრულებაში მითითებულ მეორე მხარის მისამართზე.
2. შეტყობინება ძალაში შედის ადრესატის მიერ მისი მიღების დღეს ან შეტყობინებაში ძალაში შესვლისათვის დადგენილ დღეს იმის მიხედვით, თუ ამ თარიღებიდან რომელი უფრო გვიან დგება.

მუხლი 14. ინსპექტირება

1. შემსყიდველს ან მის წარმომადგენელს უფლება აქვს, ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება) მიმწოდებლის მიერ ნაკისრი ვალდებულებ(ებ)ის შესრულების მიმდინარეობაზე, მათ შორის, მომსახურების ხარისხის პერიოდულ ინსპექტირებაზე. გაწეული მომსახურების ტექნიკური მონიტორინგი და ვადების დაცვის კონტროლი ევალება შემსყიდველის საგზაო მოძრაობის რეგულირების სამსახურს, ხოლო ფინანსური მონიტორინგი - შემსყიდველის ფინანსების მართვის სამსახურს.
2. ხელშეკრულების მოქმედების პერიოდში შემსყიდველი უფლებამოსილია, ნებისმიერ დროს განახორციელოს გაწეული მომსახურების ხარისხის ინსპექტირება.
3. მიმწოდებელი ვალდებულია, საკუთარი ხარჯებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებითა და სხვა საშუალო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.
4. მიმწოდებელი ვალდებულია, საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტ(ებ)ის დაუყოვნებლივ აღმოფხვრა.
5. მომსახურების გაწევის მიმდინარეობაზე შემსყიდველი კონტროლს (ინსპექტირებას) აწარმოებს საქართველოს კანონმდებლობის, ტექნიკური დავალებისა და ხელშეკრულების პირობების შესაბამისად, რომელთა დარღვევის შემთხვევაში შემსყიდველი უფლებამოსილია, შეაჩეროს მომსახურების გაწევის მიმდინარეობა და განახორციელოს ხელშეკრულებით და საქართველოს კანონმდებლობით გათვალისწინებული ზომები.

მუხლი 15. სხვა პირობები

1. ხელშეკრულებაში შესატანი ნებისმიერი ცვლილება ან დამატება უნდა გაფორმდეს მხარეთა შორის წერილობითი შეთანხმების საფუძველზე ხელშეკრულების დანართის გაფორმების გზით. ამ პუნქტის შესაბამისად გაფორმებული ხელშეკრულების დანართი მხარეთა ხელმოწერისთანავე წარმოადგენს ხელშეკრულების განუყოფელ ნაწილს.
2. იმ შემთხვევაში, თუ ხელშეკრულებით განსაზღვრული მომსახურების გაწევის დროს ხელშეკრულების ღირებულებისა და ანგარიშსწორებიდან გამომდინარე, ან რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის, ფასების გადასინჯვის შესაძლებლობა, ასეთი ცვლილებები დასაშვებია ხელშეკრულების საერთო შინაარსის ფარგლებში. ცვლილებ(ებ)ის ან/და დამატებ(ებ)ის შეტანის ინიციატორი მხარე ვალდებულია, წერილობით შეატყობინოს მეორე მხარეს შესაბამისი დასაბუთებული ინფორმაცია.
3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ღირებულების 10%-ზე მეტი ოდენობით გაზრდა.
5. ხელშეკრულება რეგულირდება საქართველოს კანონმდებლობით.

6. მხარეთა შორის წარმოშობილი სადავო საკითხები წყდება ურთიერთშეთანხმების გზით. მხარეთა მიერ შეთანხმების მიუღწევლობის შემთხვევაში დავა გადაწყდება საქართველოს სასამართლოს მემშვიდობით საქართველოს კანონმდებლობის შესაბამისად.

7. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე. ხელშეკრულება შედგენილია ქართულ ენაზე, თანაბარი იურიდიული ძალის მქონე 2 (ორი) ეგზემპლარად, აქედან ერთი ეგზემპლარი გადაეცემა მიმწოდებელს, ხოლო მეორე - შემსყიდველს.

მუხლი 16. ხელშეკრულების მოქმედების ვადა

ხელშეკრულება ძალაში შედის ხელშეკრულების ხელმოწერის თარიღიდან და მოქმედებს 2018 წლის 30 სექტემბრის ჩათვლით.

მხარეთა ხელმოწერები

შემსყიდველი:

საქართველოს რეგიონული განვითარებისა და ინფრასტრუქტურის სამინისტროს გამგებლობაში არსებული სახელმწიფო საქვეყნურო დაწესებულება
- საქართველოს საავტომობილო გზების

დეპარტამენტი



ალექსანდრე თევდორაძე


მიმწოდებელი:

შპს „ენერჯო გადაწყვეტილებები“



ზაირა ტალაშვილი








ფასების ცხრილი

#	ობიექტის დასახელება	სამუშაოს სავარაუდო ღირებულება (ლარი, დღგ-ს ჩათვლით)	საზედამხედველო მომსახურების ღირებულება პროცენტულად (არაუმეტეს 3%)	საზედამხედველო მომსახურების ღირებულება (ლარი, დღგ-ს ჩათვლით)
1	ელექტროენერჯის ქსელის მოწყობის სამუშაოებზე საზედამხედველო მომსახურების გაწევა	130,914.97	3%	3,927.45

შპს "ენერჯო გადაწყვეტილებები"-ს დირექტორი:



ზ.ტალახაძე

ტექნიკური დავალება

ქ. სამტრედიის ახალი შემოვლითი საავტომობილო გზის კმ 0+000-კმ 24+045 ვიდეო-სამეთვალყურეო (საკონტროლო) სისტემის ელექტრო მომარაგების (მკვებავი საკაბელო ქსელი) მოწყობის სამუშაოებისა და ქ. ქუთაისის ახალი შემოვლითი საავტომობილო გზის კმ 0+000-კმ 17+300 ვიდეო-სამეთვალყურეო (საკონტროლო) სისტემის ელექტრო მომარაგების (მკვებავი საკაბელო ქსელი) მოწყობის სამუშაოების საზედამხებდველო მომსახურება

1. შესყიდვის ობიექტი

ქ. ქუთაისის ახალი შემოვლითი საავტომობილო გზის კმ 0+000-კმ 17+300 და ქ. სამტრედიის ახალი შემოვლითი საავტომობილო გზის კმ 0+000-კმ 24+045 მონაკვეთებზე ვიდეოსამეთვალყურეო სისტემის ელექტრო მომარაგების (მკვებავი საკაბელო ქსელის) მოწყობის სამუშაოების ზედამხებდველობა.

2. სამუშაოთა შემადგენლობა, ზოგადი და ძირითადი მიზნები

აღნიშნული მომსახურების მთავარი მიზანია უზრუნველყოს ქ. ქუთაისის ახალი შემოვლითი საავტომობილო გზის კმ 0+000-კმ 17+300 და ქ. სამტრედიის ახალი შემოვლითი საავტომობილო გზის კმ 0+000-კმ 24+045 მონაკვეთებზე ვიდეოსამეთვალყურეო სისტემის ელექტრო მომარაგების (მკვებავი საკაბელო ქსელის) მოწყობის სამუშაოების მიმდინარეობისას, სამუშაოების მწარმოებელი ორგანიზაციის მიერ მაღალი ხარისხის შედეგის მიღება და მიღებული შედეგის საინჟინრო პროექტთან, ტექნიკურ პირობებთან და შესაბამის უსაფრთხოების ნორმებთან სრული შესაბამისობა. ვიდეოსამეთვალყურეო სისტემის ელექტრო მომარაგების (მკვებავი საკაბელო ქსელის) მოწყობის სამუშაოების ზედამხებდველობის პროცესში ზედამხებდველის მიერ შესასრულებელი ზოგადი და ძირითადი სამუშაოები:

ზოგადი:

- ა) საწყის ეტაპზე პროექტის დეტალური შესწავლა;
- ბ) მშენებლობის პროცესში, სამშენებლო ობიექტზე ყოველდღიური დასწრების მეშვეობით, კონტრაქტორის მიერ სამუშაოების შესრულების მონიტორინგი კონტრაქტში აღწერილ ტექნიკური პირობებთან შესაბამისობის კუთხით;
- გ) კონტრაქტორის მიერ სამშენებლო ობიექტზე მიმდინარე სამუშაოების ხარისხის მონიტორინგი;
- დ) სამუშაოების წარმოების პროცესში, კონტრაქტის პირობების დარღვევის შემთხვევაში, კონტრაქტორის მიმართ დროული პრეტენზიების გამოთქმა;
- ე) კონტრაქტის ფარგლებში განხორციელებული სამუშაოების მოცულობებისა და ხარისხის ყოველდღიური კონტროლი;
- ვ) სამუშაოების შესასრულებლად კონტრაქტორის მიერ გამოყენებული საშუალებების უსაფრთხოების დონის შემოწმება. რამდენად სწორადაა განთავსებული შესაბამისი ნიშნები და ბარიერები. რამდენად აკმაყოფილებს ის საგზაო მოძრაობის უსაფრთხოების ნორმებს;
- ზ) დამკვეთის სწრაფი ინფორმირება სამუშაო ობიექტზე ნებისმიერი ინციდენტის დაფიქსირების შემთხვევაში;

ძირითადი:

- ა) საკაბელო თხრილების (ტრანშეების) მომზადების ზედამხებდველობა და მათი ნორმებთან შესაბამისობის შემოწმება;
- ბ) კაბელების კვეთის და ხარისხის შემოწმება;
- გ) კაბელების თხრილებში (ტრანშეებში) ჩადების ზედამხებდველობა და სისწორის შემოწმება;
- დ) ფარული სამუშაოების აქტების მოთხოვნა და აღნიშნული აქტების შემოწმება. ასევე სამუშაოების წარმოების ქურნალის შემოწმება;
- ე) თხრილის (ტრანშეის) დახურვის პროცესის ზედამხებდველობა;
- ვ) 10/04 კვ სატრანსფორმატორო ქვესადგურებზე ავტომატური ამომრთველების დაყენების შემოწმება და კაბელების მიერთების ზედამხებდველობა;

3. სამუშაოთა წარმოება

ზედამხებდველი ვალდებულია:

- ა) საფუძვლიანად შეისწავლოს საპროექტო დოკუმენტაცია;
- ბ) შეამოწმოს პროექტით გათალისწინებული შესრულებული სამუშაოების მოცულობები და ხარისხი. რამდენად შეესაბამება ის მოქმედ სამშენებლო ნორმებს და წესებს;

გ) დაესწროს მასალების ხარისხის ყველა საკონტროლო გამოცდას და შემოწმებას.

დ) შეამოწმოს, რამდენად შეესაბამება საქართველოში მოქმედ სტანდარტებსა და სამშენებლო ნორმებს სამუშაოების მიმდინარეობისას გამოყენებული მასალები და კონსტრუქციები. გააჩნიათ თუ არა მათ პასპორტი ან სერთიფიკატი;

4. ნორმატიული დოკუმენტები

სამუშაოებზე საზედამხედველო მომსახურება უნდა განხორციელდეს საპროექტო დოკუმენტაციის, საქართველოს კანონმდებლობით გათვალისწინებული შესაბამისი სამშენებლო და გარემოსდაცვითი ნორმებისა და სტანდარტების, ასევე ტექნიკური დავალების, ხელშეკრულების საერთო და სპეციფიკური პირობების თანახმად.

შემსყიდველი:

საქართველოს რეგიონული განვითარებისა და
ინფრასტრუქტურის სამინისტროს გამგებლობაში
არსებული სახელმწიფო საქვეუწყებო დაწესებულება
- საქართველოს საავტომობილო გზების
დეპარტამენტი



ალექსანდრე თევდორაძე



მიმწოდებელი:

შპს „ენერჯო გადაწყვეტილებები“









საქართველოს რეგიონული განვითარებისა
და ინფრასტრუქტურის სამინისტრო
საავტომობილო გზების დეპარტამენტი

ხელწერილი ინტერესთა კონფლიქტის არარსებობის შესახებ

ქ. თბილისი

14 ივნისი, 2018 წელი

ინტერესთა კონფლიქტის თავიდან აცილების მიზნით, „სახელმწიფო შესყიდვების შესახებ“ საქართველოს კანონის მე-8 მუხლის („ინტერესთა კონფლიქტის თავიდან აცილების პირობები“) შესაბამისად ვადასტურებთ, რომ საქართველოს საავტომობილო გზების დეპარტამენტის თანამშრომლები ქვემოაღნიშნულ მიმწოდებელთან, ინტერესთა კონფლიქტში არ ვიმყოფებით, რასაც ვადასტურებთ ხელისმწერით:

მიმწოდებელი:

შპს „ენერჯო გადაწყვეტილებები“

ხელშეკრულება

ს და ს №82-18

ალექსანდრე თევდორაძე

დავით საჯაია

სალომე წურჭუშია

ფიქრია კვერნაძე

ნათია ცხომიძე

თამარ ჯორჯოშვილი

დავით ფაშალიშვილი

სოფიო ღვინჯილია